

日本政記

後村上至長慶
後龜山至後花園
七

内閣文庫		
三九函	八三五	和書
二架	八冊	類號

太政官文庫		
八	八三五	和書門
冊架	函號	類

内閣文庫		
番號	和	8225
冊數	8 (7)	
函號	139	143

和史



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



糊などで貼り付けられている部分がめくれない箇所あり



日本政記卷之十三 明治十年購求

賴襄子成 著

後村上天皇 諱義長。後醍醐第八子。母新侍賢門院藤原氏右中將公

廉女。在位三十年。改元。日興。國正。平。崩。壽四十一。葬觀心寺。

冬十月天皇即位于吉野行宮。時年十一。權大

納言藤原實也。權中納言藤原隆資輔政。

興國元年 庚辰。北朝。曆應三年。 春三月以新田義助為

刑部卿。赴伊豫。總督西國軍事。先是新田義貞

之歿事也。義助還越前府城。糾合義故。攻足羽。

日本政記 卷之十三 後村上 賴氏 義故

走足利高經已而京師援軍至高經復振義助
大敗走美濃遂留于野詔勞獎之進官爵會伊豫
官軍請將帥救遣義助夏五月義助病卒諸
城皆復為賊有

三年壬午北朝夏六月准大臣源親房保常

陸小田城賊將高師冬攻之親房擊卻之冬

十一月小田治久翻城降賊親房走保關城

四年癸未北朝師冬攻關城益急親房乞救

於結城親朝親朝宗廣子也通款賊不肯出兵

親房貽書讓以大義曰方今東國為官軍守者

下妻真壁中郡西明寺伊佐與關城而已然得

足下來援則伊達以西必有響應者而足下坐

失機會洵為可惜夫我邦神聖承統苟謀又逆

者無能倂首領尊氏何為者盜據中原使家奴

帥直輩凌蔑世家罪浮前日之高時所謂世家

本皆上臣保平以還降諫源平承久以後又役

屬陪臣觀乃家譜豈不愧心方今中興朝爵復

故志士盡忠之秋也公家鎮守府將軍門悶勲



名。豈出源平下。是以乃父上野。眾朝臣圖恢復。振家聲。乃弟又以死戰著名。足下為冢嗣。且繼前志。輝後昆。坐觀成敗。如祖考何。僕先朝遺老。辱受顧命。據孤城以控八州。恐一日隕命。四方解體。且賤息出鎮三年。獨立無援。眾情危疑。方今父子之命繫於足下。足下實有異圖。則已。苟欲報祖先。豈不勉力。非敢愛餘命也。唯為天下言。且親朝辭以兵寡。尋殺降賊。親房遣使命顯信來救。亦為親朝所沮。不果來。親房不能守歸。

正平二年。丁亥。北朝貞和三年。秋九月。河內守楠正行

舉兵謀以復京師。與賊將細川顯氏戰于譽田

林。破之。冬十一月。與山名時氏戰于瓜生野

破之。足利尊氏令高師直帥泰將兵八萬來擊

三年。戊子。北朝貞和四年。春正月。正行及弟正時與帥

直戰于四條。斃死之。師直遂犯行宮。帝幸穴生

楠正儀拒高師泰于石河。冬十月。北朝上禪

位於從子興仁。是為崇光院。是歲。法皇花崩

北朝葬花園天皇。



日本書紀卷之六十一 崇光天皇

四年。巴丹。北朝崇光。五年。先是北朝拜尊氏為征夷大將軍。躬直義為副將軍。稱曰兩御所。足利氏初擁立光明帝。陽尊之。每事奏聞。及官軍諸將相尋戰沒。大得其志。不復稟敬。肆割膏腴。賞功臣。或奪公卿食邑。雖供御闕乏。不顧。至朝官或學東人語。以免其侮辱。土岐賴遠嘗途遇光嚴上皇。不下馬。前驅呵曰院也。賴遠曰院耶。犬耶。犬則應射之。令環射乘輿。折輒截輻去。直義論罪。賴遠伏誅。武人相謂曰院且下之。即遇將軍。

將子行邪。高師直以尤多軍功。為尊氏信任。為幕府執事。專恣無忌。至踏臨冷高貞。而尊氏妻弟師泰亦專橫。至發菅原氏墳墓。以營別莊。尊氏不罪。師直與直義相軋。上杉重能。畠山直宗亦疾師直。乃附直義。結直義所善僧妙上。勸除高直。義然之。直義嘗養尊氏庶長子直冬。出為中國彈代。以為外援。秋八月。直義伏兵。召師直。直義使人要說援已。事成。代兄執事。泰於石川。直義使人要說援已。事成。代兄執事。

日本書紀卷之六十一 崇光天皇

師泰矣不肯與師直合兵數萬人京師圍幕府
 請斥直義及重能直宗尊氏慰喻聽其請直義
 薙髮屏居錦小路放重能直宗於越前師直使
 人潛殺之尊氏召義詮於鎌倉代執政以其弟
 基氏代鎮鎌倉高師冬上杉憲顯為執事
 五年庚寅北朝夏六月足利直冬叛其父尊
 氏起兵冬十月尊氏與高師直等討之十二月
 月足利直義上書行在請歸順許之命討尊氏
 時師直欲擊直冬慮直義圖後欲殺之而行直

義奔大和請歸順下公卿議大納言實世曰致
 先帝播越王室艱難者皆由此豎子今窮迫來
 降非其本心宜斬之左大臣藤原師基准人臣
 源親房等以為得大援興復可期乃納其降詔
 圖北伐石堂義房島山國清桃井直常等皆以
 惡師直附直義
 六年辛卯北朝春正月足利直義進據男山
 觀應二年觀應二年桃井直常據叡山夾攻京師足利義詮西奔與
 尊氏及高師直合兵而還既而尊氏與師直奔

日本書紀 卷之二十一 新羅傳 足利義詮

播磨義詮奔丹波。二月尊氏與直義戰御影濱大敗保松岡與直義和還京師師直師泰出降為上杉顯能所殺。上杉憲顯攻殺高師冬鎌倉尊氏以仁木賴章為執事。秋尊氏與直義外和而內不諧直義欲廢義詮已復執政尊氏勉從之石堂義房桃井直常等恃勢橫恣仁木賴章細川賴春等疾之冬引還國義房直常亦不自安奉直義北歸與尊氏相拒近江敗而東奔尊氏欲追擊恐官軍乘虛佯乞歸順帝亦佯

許之。冬尊氏東伐與直義戰于薩陞敗而降之。攜至鎌倉明年藥殺之。尊氏令義詮遣使行宮請降許之。義詮廢崇光帝奉正平號欲迎車駕救以方忌待明年復闕。

賴襄曰足利尊氏之有直義猶趙匡胤之有匡義也。匡胤篡有周室由出征握兵及劫其君尊氏受東伐之命因得煽兵犯闕其事勢一也。而匡胤之謀決於匡義尊氏之逆成於直義尊氏之才不及匡胤之什一。而其所犯



者後醍醐與恭帝隔如天地是以不能速取之而累其逆節。繫直義所贊焉。其有功於已如此。尊氏之始決反於關東也。有家國之事。一委直義之語。自是政事繫此自出。蓋以其事成否不可知。故併禍福任之也。已而其事稍成。轉禍爲福。則忌之意生焉。尊氏爲大將軍。稱直義爲副。隱然如儲貳。然而義詮出在鎌倉。是匡義代立德昭不得立之勢也。使尊氏不幸早死。則直義爲匡義之所爲無疑。

矣。則烏得不忌乎。是以寵任高師直。以分其權。聽其專擅。而莫之禁。是直義所以與師直相惡。匡胤友於匡義。故無敢離間之者。使其不友。則如趙普者。必勸匡胤除之。師直雖專擅。非知尊氏之忌之。安敢公然以兵劫而廢之。而尊氏亦許而不罪乎。故直義出奔。乞降南朝。懼尊氏意在必殺也。非獨懼師直也。夫師直以兵劫而廢直義。直義又以兵劫而除師直。而尊氏不罪彼。而咎此。其意思乎。此故

也。尊氏初廢直義，乃召義詮代之。又封基氏於關東，然後尊氏之志成矣。而直義幼而尊氏再執政權，亦恃大謀之成於已也。是以尊氏亦勉從之，而其忌益甚固其冑也。直義之東奔，尊氏所大懼，懼其據根本自爲其嘗所以贊已者也。是以親往，親往則不得，不和南朝，至廢其所立，迎駕返關，其大懼也。可以見焉。而以直義之狡黠而終不得志於關東，輒被執殺，何哉？不特以弟敵兄，衆情不附，亦罪

逆之所由先受天誅也。抑以基氏在焉，而尊氏來擊之，其勢易辨也。夫尊氏之犯君猜弟，制於其臣，不復論可也。至建親藩，其計一得者矣。假令尊氏早死，未必至如匡胤之了悉魚肉於弟手也。其後京師雖多外患，凶變賴關東之維持，終得以濟尊氏之所措畫。謂善慮國家矣。匡胤務削將帥兵權，而宗室無尺土之封，內自削弱，既不救於家禍，又失於國計。是以不能併燕雲，而貽靖康之禍。董保

江南不若足利氏之能吞南朝全制海內也。由此言之。雖曰尊氏勝匡胤可也。雖然足利氏將帥驕蹇。叛服無常。不獨帥首也。宋豈有此乎。此由樹兵與不樹也。則時勢之異。然焉爾歟。曰不特然也。匡胤嘗論唐莊宗曰。一十年夾河百戰。不能以軍法約束諸將。首兒戲耳。吾雖愛養將帥。苟不用我命。有劍而已。使匡胤日足利氏得不亦謂之兒戲哉。而宋自匡義而後。威刑不復振。足利氏得義滿能繩以法。果非兒戲也。

七年

壬辰。北朝後光嚴帝文和元年。

春正月。足利義詮獻金

及馬。

二年。車駕發行宮使兒島高德奉密旨。

赴東國發新田氏兵伐尊氏於鎌倉。閏月。車駕

至男山。楠正儀和田正忠等以河內紀伊兵。北

畠顯能以伊勢兵皆會。義詮令細川顯氏賴春

拒之。正儀等擊敗顯氏。獲賴春。走義詮於近江。

官軍入京師。收發帝廢太子及光嚴光明二上

皇。載之。車。送行在幽之穴生。新田義宗義

興義治等與尊氏戰武藏。破之。襲基氏鎌倉。走

之。義宗奉征東將軍宗良親王與尊氏戰碓冰嶺。敗走。越後京畿將士多附義詮。三月義詮據東山。官軍不利。退保男山。義詮復入京師。夏五月。正儀正忠等還河內募兵。正忠病卒。正儀未至。北軍急攻男山。帝親擐甲御馬衝圍南出。權大納言藤原隆資死之。左兵衛督藤原康長力戰。帝達行宮。宗良親王與新田義宗桃井吉良石堂等自東北。土居得能氏自西南共赴難。聞男山不守。皆途還。

漢劉璋患寇。迎劉備於蜀。其諸臣欲戴備。來說襲取蜀。備曰。今世與吾爲水火者。曹操也。操以暴。吾以仁。操以譎。吾以忠。每事與之反。乃可成業。今以小利失信義於天下。奈何。然諸葛亮素策取益州。龐統等又勸備。備遂取蜀。宋蘇軾論之。歸咎於亮曰。曹劉不敵。天下所知。兵不若曹多。地不若曹廣。所恃以勝之。以區區忠義。有激天下之心。雖無措足之地。天下爲之用。今璋以好逆之。乃扼吭拊背。而

日本政記 卷之卅三 魏 東晉 魏 魏
奪之國。與操異者幾布。既失天下義士之心。而北向長驅。欲四方響應。難矣。賴襄曰。嗚呼。是可以論正平之事矣。足利尊氏雖不及曹操之能。其以譎詐馳驟一時。地廣兵多。什倍南朝。南朝恃仗其信義。與之相形。庶幾可匡復耳。尊氏有事關東。而慮於我。來講和。廢其所立。用我年號。請乘輿復闕。雖非出實情。而見其跡。亦以好逆也。奈何。佯許而遂襲之。爲所謂扼腕拊背之計。凶執同姓。以爲功乎。曰。

知尊氏之詐也。曰。彼以詐。我亦以詐。可乎。苟知其詐。勿許可也。許而襲之。曲在於我。師壯於直。而老於曲。宜其一勝而終敗也。劉備唯無措足之地。故不能不取益州。論者猶非之。南朝既有和紀河泉之地。其險沃彷彿蜀漢。而藩服忠義。東西應援。何必取一彈丸之平安。以失信義於天下。自弃其所恃以勝賊者。恢復之無成。果誰罪歟。不寧唯此。前焉納直義之降。佐之以攻其兄。後焉許直冬之請。驅

之以攻其父時氏清之屬皆彼之叛臣來
輒受之噉之北向蓋天下望南朝爲逋逃淵
藪其詭譎不正不知與足利氏孰伯仲也而
何以激天下之心乎曰雖然蘇軾之論又有
言曰曹氏父子兄弟有可間之勢使其大臣
骨肉內自相殘然後舉兵伐之孔明既不能
全其信義又不能奮其智謀故屢戰而屢却
爲失機也夫南朝非亦乘其機而奮其謀也
耶襄曰不然彼謂間而後伐之耳足利氏大

臣骨肉既內自相殘矣不待吾間之而然也
則吾整我堂堂之義旅伐之可矣何必助其
子弟及其父兄弟乎當時源親房爾爲賢相或
比之諸葛亮者而又贊其謀焉親房嘗論保
平之亂父子兄弟之相攻曰名教之亂亂所
以不已也今自數名教以開亂源何哉

以水打過今自海名光以神祇訓
 至已書之乎又神祇訓曰百與
 此之常也又神祇訓曰百與
 今以神祇訓之乎又神祇訓曰百與
 神祇訓曰百與又神祇訓曰百與
 神祇訓曰百與又神祇訓曰百與
 神祇訓曰百與又神祇訓曰百與

秋八月足利義詮立彌仁親王稱帝是為後光

嚴初後醍醐帝以偽器授光明帝及亂又百衆

議無神器不可踐祚關白藤原良基曰尊氏

劍也良基輒也何不可遂立之九月山名時

氏歸順

八年癸巳北朝夏六月詔遣左馬頭楠止儀

等助時氏攻京師足利義詮奉新王走近江

秋尊氏西歸與義詮合兵復入京師時氏走初

佐佐木道譽世領近江助尊氏逆又以近江數

日本書紀卷之十三

御成實錄 卷之二十三 十一 藤原氏藏

救義詮義詮其寵之專權男山之役時代了帥
義最有力。因要賞。欲得邑若狹。數造道譽。道譽
夕宴。湊至日暮。怒曰。吾得邑何必行汝輩哉。遂
父子來降。請此代事不成。走歸其國。

九年。甲午。北朝。和三年。夏四月。准大臣源親房薨。親

房具平親上後。大納言師重子。家稱北畠。以博
洽聞。管讀司馬光通鑑有感。著神皇正統紀。三

子顯家顯信顯能並勤上事。顯能孫世領伊勢。
母屬官軍。先是。是利直冬遣人行宮乞降。請

攻京師許之。賜號總追捕使。冬十二月。山名

時氏桃井直常足利高經等並應之。奉之爲主。
再攻京師。義詮出拒播磨。直冬進至丹波。尊氏

走近江。
十年。乙未。北朝。文和四年。春正月。直冬等入京師。二

月。救遣大納言藤原隆俊等助直冬。據男山。尊
氏以近江兵據礮山。細川賴之舉南海兵。援義

詮。東上。官軍及時氏逆擊之。神南山敗績。三月。
官軍及直冬與尊氏戰京師。敗。退保男山。義詮

日本後紀 卷之二十三 十一 藤原氏藏

正德 卷之十一 三十一

絕直冬糧道直冬時氏直常高經等各引還尊

氏義詮復入京師。秋八月征東將軍宗良親

王起兵信濃。諏訪某仁科基等應之。

十六年丙申。北朝。延文元年。春正月足利高經降足利

尊氏。

十二年丁酉。北朝。延文二年。春正月還光嚴崇光二主

及直仁親王。先是已還廢帝。

十五年戊戌。北朝。延文三年。夏四月足利尊氏率義詮

嗣。秋左兵衛督新田義興募兵武藏上野足

利基氏將畠山國清使人誘殺之。

十四年己亥。北朝。延文四年。肥後守菊池武光奉征西

將軍懷良親王與賊將少貳賴尚戰于筑後河

大破之。初菊池武時勸王。武重又奉懷良親

王數與大友氏時少貳賴尚等戰。武重率弟武

光嗣攻足利氏筑紫彈代。邑直氏走之。氏時

賴尚望風降。是歲春討畠山國久於日向走之

氏時賴尚復作九寨。絕其歸路。武光逐擊悉拔

九寨。秋八月與賴尚大戰于大原破之。賴尚

日本後記 卷之十一 三十一 貞氏義及

走保寶滿山。中納言比島顯信等戰沒。冬十

月。賊將畠山國清大舉關東兵六萬西上。與足

利義詮合犯行宮。

十五年。庚子。北朝。延文五年。春正月。左馬頭楠正儀請帝幸觀

心寺。自據赤阪。修平岩八尾等皆守之。人納言藤

原隆俊守龍門砦。夏四月。賊將畠山義深攻龍

門。隆俊擊破之。救興良親王。率野兵亦松氏範

援之。興良叛通賊。火穴生行宮。龍門陷。帝遣前關

白師基討之。興良敗走南都。興良故兵部卿。護良

子。氏範則祐子。閏月。諸砦皆陷。五月。賊合

攻赤坂。和田正武夜斫賊營。不利。退保金剛山。

賊軍引還。秋七月。正儀等出兵攝津。畠山國

清來拒之。官軍又退入山。賊亦還兵。初。尊氏死。

有流言。基氏通行宮。圖義詮。清因請自將南

犯。以解嫌疑。其實欲已收兵權。儕輩皆疾之。止

儀知之。建言。比軍不足。懼。是時。仁小賴章已死。

弟義長為執事。與佐佐木道譽。細川清氏等相

軋。道譽因結國清除之。國清亦疾義長。寺僧。逐其

通南朝遂還兵攻之。義長言於義詮曰：「諸將以臣爲名，以作亂也。」義詮然之，因以義長兵自衛。道譽夜入見義詮，勸其逃觀變，乃出與義長晤語。義詮出自後門奔嵯峨。比曉覺之，衆潰。義長走伊勢，諸將奉義詮還義長降行宮。八月官軍競起，北軍歸咎國。清國清時以狐皮蔽膝，時人爲之作狐媚歌唱者，滿衢國清惧，逃東歸。後基氏逐之，用上杉憲顯爲執事。

十六年辛丑朝此朝秋九月楠正儀和出正武

出兵攝津與佐佐木秀詮氏詮戰斬之。秀詮氏詮並道譽孫先是道譽奪赤松光範攝津守護使二孫守焉。至是並敗死。冬十月細川有氏歸順。先是清氏代義長執事，道譽又忌害之，激之使反。又譖其有異圖，義詮信之，出居外。官兵自備，清氏使人自辨，不聽，乃走若狹。從討之，清氏遂南走。奏曰：「足利氏兵西拒，時氏東備，義長臣請乘其空虛，京師可復。」楠正儀曰：「元弘以來，官軍互復京師而不能守，力不繼也。今欲取京師，

臣一人力可辨不必待清氏唯恐已收復失耻
之強戰併我所有失之且養威力徐圖匡復朝
議不聽十一月敕正儀等人舉助清氏攻京
師十二月義詮奉北帝奔近江官軍焚諸第
道警之走戒守者具酒食犒師正儀報以甲馬
禁焚掠已而時氏義長東西皆敗義詮還兵令
赤松氏範直侵行宮官軍留京師十九日乃還
清氏走阿波

十七年壬寅北朝貞治元年春細川清氏據白峰徇四

國夏山名時氏略地美作遣兵徇備足利
直冬以石見兵助之時氏子師義略丹波但馬
秋足利義詮遣細川賴之圖清氏賴之守備
未全說以禍福往復間備成乃絕之挑戰誘出
斬清氏自是細川氏山名氏始大九月菊池
武光討足利氏彈代足利氏經氏經敗逃還

十九年甲辰北朝貞治三年秋北朝光嚴上皇崩是
歲大内弘世以周防長門附義詮因授二州守
護等益以石見山名時氏降義詮請因領所略

十本政記卷之三

地。義詮許之。以時氏為因幡伯耆川波美作五
州守護。仁木義良石堂賴房等皆降義詮。

二十一年。丙午。北朝貞治五年。足利義詮逐其執事足

利義將。義將高經子也。初高經子氏賴娶佐佐

木道譽女。細川清氏之叛。氏賴冀為執事。而高

經以後妻故愛義將。薦為執事。以其年少。已代

決事。高經有宿望。世望治績。而高經為政嚴刻。

諸守護舊賦五分。分取二分。嘗宴諸

將。道譽不會。而自張鼓樂。高經喻之。會道譽欠

賦。歲因對之。奪其歸津守。護義詮造別第萬

里巷。徵役諸國。赤松則祐坐功綏。亦削邑。則祐

道譽婿也。道譽課京師戶租。修五條橋。過期不

成。高經出私財。不日成之。於是道譽與則祐及

佐佐木氏賴譖高經於義詮。義詮密使氏賴徵

兵近江。欲討高經。高經聞之。入見泣曰。老臣果

有罪。一介賜死可。何煩徵兵。臣以不才。忘私利

公。謗讟所叢。不敢愛餘年。唯恐將軍得殺者。舊

名耳。義詮亦揮淚。久之辭出。義詮呼曰。衆怒難

言。故記。卷之三十三。貞治五年。義詮呼曰。衆怒難

犯卿且就國。高經以義將北歸。遣兵攻之。已而高經病卒。道譽多機智。善逢迎。自高師直後。獨鋼權寵家極豪侈。陷四執事。蓋謂義長清氏而高經義將也已每解脫。義詮欲以為執事。及義詮病。基氏別有所薦。乃止。

二十二年。丁未。北朝貞治六年。夏四月。足利基氏卒。子氏滿嗣。為關東管領。冬十二月。北朝將軍足利義詮卒。子義滿嗣。以細川賴之為管領。輔之。先是。足利基氏薦賴之。義詮臨終。謂義滿曰。與

汝一父。又謂賴之曰。付卿。子賴之。竭心輔導。撰方正兼文武者。充左右。置髡者六人。以為弄客。將士有傻佞者。目為毛童。坊斬辱之。於是上風大革。

二十三年。戊申。北朝應安元年。春三月。天皇崩于住吉殿。葬後村上天皇。

長慶天皇。諱寬成。後村上長子。所出不詳。在位五年。改元二。曰建德。文中禪位。皇太子。及葬地。闕。

天皇即位。于行宮。立皇弟熙成親王為皇太子。

十八女記

日本政記
秋七月左近衛少將新田義宗武部大輔勝
屋義治起兵越後上野與上杉憲將戰不克
之義治奔出羽

二十四年巳酉。北朝。應安二年。春正月楠正儀叛降北

朝三月楠氏族攻正儀

建德元年庚戌。北朝。應安三年。春正月脇屋義治出兵

武藏上野與上杉朝房等戰不克奔信濃冬

十一月和出正武等討楠正儀攻其城

二年辛亥。北朝。應安四年。春二月北朝主禪位於太子

緒仁是為後圓融院秋八月細川賴之遣其

義子賴元援楠正儀入寇

日本政記卷之十三

日本政記
卷之十三
順天殿

日本政記 卷之十三 三十三 賴氏藏

日本政記卷之十四

賴襄子成 著

後龜山天皇

諱熙成。後村上第子。長慶弟。母嘉吉門院基氏。在位。

初名。後十年。改元。三。天授。弘和。元中。禪位。後小松。後三十二年。崩。毒及弟。此。陽。

天皇即位。于天野行宮。賊將細川氏春來犯。大

納言藤原隆俊屯兵天野。夜襲敵營。不克。歿之。

上移蹕吉野山中。

天授元年。乙卯。北朝。永和元年。秋八月。少貳冬。資應菊

池武朝。與今川貞山戰。歿。武朝。武政子。先是。

日本政記 卷之十四 後龜山 賴氏藏

武政卒。武朝嗣為肥後守。

二年。丙辰○北朝秋七月。足利直冬降北朝。尋

卒。

三年。丁巳○北朝秋八月。菊池武朝奉征西將

軍懷良親王與大內義弘戰。敗績。菊池氏族百

餘人死之。是歲。高麗遣其使鄭夢周來。先是。

我西邊不逞者。數侵高麗。高麗使來。見今川貞

世。請禁之。

四年。戊午○北朝秋九月。菊池武朝奉征西將

軍懷良親王與今川貞世戰。託麻原破之。

五年。己未○北朝春。山名義理。山名氏清入寇。

陷土丸。膝波。石垣三城。足利義滿出軍。東入寺。

徵。近江。美濃。兵。美濃。土岐。康行。反。義滿。義滿。召

兵。鎌倉。討之。鎌倉。執事。上杉。憲顯。既卒。子。憲春。

繼為執事。遣。弟。憲房。將。兵。西。會。康行。降。而。止。義

滿。既。壯。不。聽。賴。之。政。稍。縱。恣。失。人。心。氏。滿。因。潛

蓄。異。志。事。覺。義。滿。乃。止。南。行。以。書。讓。憲。春。憲。春

諫。氏。滿。弗。聽。憲。春。憂。惧。自。殺。氏。滿。驚。悔。乃。以。憲

氏。滿。弟。憲。春。之。事。告。諸。將。士。皆。為。之。流。涕。遂。以。憲

春。為。執。事。氏。滿。乃。止。南。行。以。書。讓。憲。春。憲。春

諫。氏。滿。弗。聽。憲。春。憂。惧。自。殺。氏。滿。驚。悔。乃。以。憲

春。為。執。事。氏。滿。乃。止。南。行。以。書。讓。憲。春。憲。春

諫。氏。滿。弗。聽。憲。春。憂。惧。自。殺。氏。滿。驚。悔。乃。以。憲

春。為。執。事。氏。滿。乃。止。南。行。以。書。讓。憲。春。憲。春

賴氏鼎片

武政卒。武朝嗣為肥後守。

二年。丙辰○北朝秋七月。足利直冬降北朝。尋

卒。

三年。丁巳○北朝秋八月。菊池武朝奉征西將

軍懷良親王與大內義弘戰。敗績。菊池氏族百

餘人死之。是歲。高麗遣其使鄭夢周來。先是。

日本政記 卷之十四 賴氏藏版

房執事。冬十一月。細川賴之寇伊豫河野。通直戰死。先是。義滿役諸將。大管室町第。稱花御所。驕奢太甚。賴之諫弗聽。相嫌隙。近臣從而譖之。是歲夏。義滿聚兵幕府。遣使罷賴之職。就國。賴之聞命。即日上途。其弟業氏勸其舉族訴屈。不聽。則遂圖廢之。賴之不許。乃赴其國讚岐。已而義滿思其功。命總管南海。

六年。庚申。北朝。夏五月。小山義政起兵下野。

與宇都官基綱戰。破之。六月。北朝光明上皇

崩。

弘和元年。辛酉。北朝。楠正儀歸順。

楠正成與子正行。並盡忠王室。身殉國難。而正行之弟正儀。繼任大將。終叛降於賊。辱其家聲。而不耻。幾乎無人心者矣。中興諸將。忠義無出楠氏右者。諸將子孫。未有降賊者。而楠氏如此。且諸將散處東西。為聲援而已。藉使叛降。未心切行官利害。楠氏世為南朝藩屏。南朝得以抗強大之賊。咫尺間而不亡。五

日本政記 卷之十四 賴氏藏版

十年者以楠氏在焉。一日無楠氏是無南朝也。正儀爲王室之倚賴如此。而舍而降賊。與其臣僕比肩而不耻。孰謂正成之子。止行之弟。而有此禽獸耶。爲楠氏惜者。謂之虛傳矣。然北朝志乘。顯然載其年月。不可滅也。且其族不義之而攻之。北朝爲出援軍。與土帥戰。其跡亦不可掩也。賴襄曰。吾嘗紀楠氏之事。徵之南朝舊志。而散亡不詳。故不敢斷其虛實。曰。正儀蓋有深謀焉而已。已而反覆考之。

雖未能覈其實。如有差得其情焉。何以得其情。曰。亦因其跡與年月得之也。後村上之正平廿三年。帝崩。長慶帝卽位。先是歲。北朝以足利義滿爲將軍。細川賴之輔焉。後歲。正月。正儀降。先見賴之。遂見義滿。其三月。和田氏族攻正儀。自是連年攻討。賴之請救之。諸將不肯。賴之耻其言不行。欲辭其職。乃發兵。而以其子弟爲將。後戰鬪之事。無所見者。廿二歲。及後龜山之天授弘和間。賴之遭讒。

見斥而山名氏人寇連陷河紀諸城而正儀歸順與山名氏戰敗績於是南國之屬行宮者獨存吉野而已後又十年所正儀蓋既沒而賴之再任職乃誅滅山名氏間歲而南北之和成矣初正儀數受命攻京師細川清氏之降行宮請攻京師也正儀以為不可曰取京師臣一人力可辦何借清氏唯恐既取復失耻之強戰併我所有失之宜養威力徐圖匡復是可以知正儀之本意矣而賴之亦有

弭兵之志以為南人所以能數來者賴於楠氏欲除南患莫若和楠氏是以百少就議和焉而正儀之意與之克合是時長慶新即位銳意用武敕東西諸將一時並起蓋圖京師如正平例而正儀仍執前議是以帝怒令其宗族攻之故正儀不能自立姑為此權時之計耳其意如曰今而與北戰是自速亡也然南無我則莫能戰北有我亦不敢軼我而南故正儀之為背南嚮北之狀者是以其一身

橫塞南北間。以存南而遏北也。賴之亦知其意。欲因以成前議。不然。何不遂究其南向之兵。而過十年乎。其被讒也。非曰其庇南乎。是以山名氏代之。疾南其鋒。而南不能支。正儀已失賴之矣。不可與謀矣。是以復背北嚮南。決意防戰。南朝之所以延殘喘十年者。豈非正儀歸順之効哉。及賴之再入。先斃向。南之賊後成。還北之議。及南北迭立之約。違怒而起兵者。楠氏之遺孽也。是可以知正儀之降。

非其素心矣。自古老成之謀。不合少年推鋒之論。而讒間入焉。終以被背叛之名者多矣。如近世片桐且元之於大坂。可以見焉。正儀得非亦且元類也。嗚呼。使正儀而誠舍弱黨強圖其富貴也。何以前此爲南朝百戰不辭其徒勞。而至此忽降耶。又何以降於正平而歸順於弘和耶。

東海。

六年已巳。北朝。康應元年。足利義滿西遊至嚴島。遂如

鎮西。舟遭風還。過讚岐。見細川賴之。尋召還京

師。以其子賴元為執事。而決於賴之。

七年庚午。北朝。明德元年。春。楠氏與山名畠山戰河內

落合。敗還。

八年辛未。北朝。明德二年。冬。山名氏清作亂。犯京師。足

利義滿討而破之。誅氏清。初山名時氏為五州

守護。時氏死。子師義時義略地。山陽義理氏清

攻取南海。於是山名氏所領跨十州。世呼曰六

分。一時義二子時熙氏幸分襲伯馬伯者守護

師義子滿幸與氏清潛之。義滿義滿乃遣二人

攻時熙氏幸。走之。分與其地。於十一月時熙

氏幸潛入京師。訴寃。請復邑。義滿欲見氏清。諭

吉。氏清不見。義滿怒。會滿幸有罪。罷其出雲守

護。復時熙氏幸邑。滿幸往界浦。見氏清。勸舉兵。

氏清然之。十二月。滿幸舉丹波。義理以紀伊。並

應氏清。氏清進軍男山。小林某諫之。弗聽。義滿

會諸將議戰守避孰可。或舉尊氏義詮故事勸其避不聽。乃自陣一色詮範堀川第令諸將陣內野一軍陣東寺爲犄角。大內義弘爲先鋒戰最力。逆擊氏清破斬之。小林某戰歿。細川賴元等亦擊滿幸走之。義理乞降不許。後滿幸被捕殺。乃以山名氏地和泉紀伊賜於義弘其餘盡分賞戰功諸將。獨氏幸所領如故而已。

賴襄曰。制馭天下。恩與威而已。恩懷之而威服之。相待而行。無恩則威不可以加。加之則

怨我無威則恩不可以施。施之則不德我。夫使之怨我固不可。使之不德我亦何以制馭之哉。足利氏之所以不能制馭天下者。無威而施恩也。夫足利尊氏非有智勇過人也。特因天下之厭王政而思武治。欲得將種門望最高者。推戴之。各自分利耳。尊氏亦知之。是以割土地。頒金帛。務充其欲。惴惴然唯恐彼之歛望背我而去也。然背焉而去者。足相踵也。而不能禁也。既背復來。不問也。數背數

來坐成強人不能削也。無他。彼其初受封得
賜。忒以爲當然而不以爲德。有不僂於已。
掉臂而逝。饒使責而讓之。彼必曰。汝已叛其
君矣。何以禁吾叛汝哉。是尊氏義論所以不
能責諸叛將也。然既施之以恩。是我之恩也。
被我之恩。而叛於我。我罰之。而有辭。何所恤
乎。况彼之所恃以叛我者。土地也。甲兵也。皆
藉吾所予。用以反噬我。是可誅殛無釋者矣。
是義滿之所以用戈於氏。清義弘而不疑也。

足利氏之威。於是始加大下矣。而後其恩能
使人德之。非復如前。世也。昔者唐氏姑息
藩鎮。叛將強臣。羅列天下。如不可措手者。下
於憲宗平。淮西而諸鎮震懼。恩威並行。韓
愈稱其唯斷以成之。義滿雖不倫於憲宗。其
斷以成之。也是故人主患不斷耳。苟有以
斷於中。何紛亂之不可治也。雖然欲斷之。必
先謀之不謀而斷。其斷不可達。適足以損其
威耳。故貴於謀。謀必有所與者。義滿有細川

日本政記 卷之四
賴之與謀猶憲宗之有裴度所以能達其斷也。尊氏任高師直如代宗之心載義詮龍佐佐水道譽如德宗之盧杞所與謀如此而惡手斷。

九年

仁中北朝
明德三年

夏五月足利義滿令畠山義

深攻諸城楠氏氏冬十月義滿使大內義弘

六角滿高來請和曰駕還授器則兩統更之如

故事許之二十八日丙子車駕發行宮群臣或

服扈從閏月二日巳卯御大覺寺義滿欲用來

降禮遣使奏請帝曰朕欲用父子禮相授否

則寧以神器斃不肯屈下以辱祖宗也滿高謂

義滿曰神器在彼彼即真天子不可違也

兩統分立五十餘年至此而合矣當其未合

孰爲正孰爲閏或曰神器在南南爲正賴襄
曰不然夫神器之在南官也儻使在北北爲
正乎南之所以爲正者不在神器之在焉與
否夫後醍醐天皇爲祖宗復仇雪下室之大
耻而猾賊再起以其不僂於已也復有所擁
立成兩帝爭統之狀而已成志於其間曰吾
非爭天下於天子天子與天子爭也天下之
趨利無耻者靡然服從亦曰吾仕北朝天子
非從足利氏也不知其所仕者乃足利氏之

九年上中夏五月足利義滿令畠山義

深政諸城楠氏冬十月義滿使大內義弘

六角滿高來請和曰駕還授器則兩統復立如

故事許之二十八日丙子車駕發行宮群臣戊

服扈從閏月二日巳卯御大覺寺義滿欲用來

降禮遣使奏請帝曰朕欲用父子禮相授否

則寧以神器斃不肯屈下以辱祖宗也滿高謂

義滿曰神器在彼彼即真天子不可違也

兩統分立五十餘年至此而合矣當其未合

日本政記 卷之四 負氏載反

孰爲正孰爲閔或曰神器在南南爲正賴襄
曰不然夫神器之在南宜也儻使在北北爲
正乎南之所以爲正者不在神器之在焉與
否夫後醍醐天皇爲祖宗復仇雪王室之大
耻而猾賊再起以其不僂於已也豈有所擁
立成兩帝爭統之狀而已成志於其間曰吾
非爭天下於天子天子與天子爭也天下之
趨利無耻者靡然服從亦曰吾仕北朝天子
非從足利氏也不知其所仕者乃足利氏之

所門生視之也豐仁親王之也至當時民
問曰王無一戰之功而將軍賜之帝位矣夫
如此假使神器在於北得謂之正乎是以少
有人心者皆相率以就於南公卿然武人然
愚夫氓隸亦然而况於神器之靈乎其不在
於北而在於南宜也祖宗之所誘爲也天道
也而北人強詞求勝之曰尊氏劍也良基璽
也夫無劍無璽可矣必以賊爲劍以無耻無
義之大臣爲璽而謂之朝廷是忠臣義士之

日本政記 卷之九 賴朝

所以不欲立焉。非以其無劍無璽也。而其立於南朝。亦非以其有劍有璽也。夫南之俸祿。不如北之利也。其官爵不如北之有權也。而相與共其艱難。折首殞躬。肝腦塗地。子孫殲於賊手。斯盡灰滅。而不肯背南而嚮北。有識之士。患之也。是以舉南北合之議。欲以慰其心。而弭其禍也。抑後醍醐念祖宗濟民之心。不勝其樂位。伸欲之志。求成此志也。而使天下之忠臣義士公卿武人。愚夫氓隸。被此

禍於五十餘年間。祖宗終不右此也。是以終絕其胤。而神器歸於北朝。傳祚無窮。亦天不忘祖宗之德。而眷其裔孫也。及至於此。何必論彼此哉。自天與祖宗視之一也。而足利氏猶曰。此吾家所立也。彼仇之者也。世之無識者。又追斥南朝。呼其忠臣義士為國賊。顛倒是非如此。不知忠於南朝者。非特忠於南朝也。忠於祖宗也。微此輩。足利氏不肯顧公議。以戴皇族也。則此輩謂之忠於北朝亦可也。

足利氏滅而皇統儼在天下之心莫不仰嚮而神器奠安於千載此輩亦可以瞑矣襄故曰祖宗之意天人之心之所嚮爲正統正統所在神器歸之非神器所在正統歸之或謂賴襄曰子之論正統似也抑子非亦北朝之臣子乎何不諱曰何居子所謂北朝安在曰今朝廷是矣襄曰於戲今朝廷者神武以還大一統之朝廷也何以曰北曰北者延元元中間天子南遷而賊臣私立君當是時

南則正北則僞事南者榮事北者辱故不得不別其稱也已而天悔其禍祖宗諄其衷講和議成南北混矣夫以後龜山之噴尾流離其授神器也不肯從降式必用父子禮足利義滿之兇威而不能奪也於是後小松始傳器受禪尊後龜山爲太上天皇事懿禮善足以盪滌前此分派之陋上承列聖之統而下顯示後世蓋天與祖宗實佑之非足利氏之所能爲也雖其後內有紛紜而天命大定

以至於今。賊臣之蟠據輦轂。濁亂朝廷。百餘
年者。畢伏誅竄。朝廷復其清明。大其一統。如
日月再中天。而山河皆明也。而何苦猶污其
口吻。曰北曰北耶。夫曰北。則見其爲足利氏
之門生。而以小朝廷自處也。此非臣子之當
諱者哉。今夫執童孺。問之曰。汝義貞正成徒
也。則欣然喜。曰。汝尊氏屬也。則艴然怒。今自
稱北朝。則勢必以足利爲定策國老。而以新
田楠爲賊。甘背天下人心。萃萬衆唾罵。何哉。

夫天與祖宗。既已授之升於天矣。而不欲就。
以冢中枯骨介意。而猶陷則溷糞穢之中。終
古不肯洗滌。是所謂自賊賊其君者也。余則
不敢。乃臣子之心已。此義不明。則萬世之後。
天地再變。復有姦雄如足利氏者。擁立其所
私僇。則今之自稱北朝臣子者。將胥率從之。
是亦生一北朝也。吾懼焉。不可以不辨。

日本書紀卷之十四 皇極經世一

皇極經世一
皇極經世一
皇極經世一
皇極經世一
皇極經世一
皇極經世一
皇極經世一
皇極經世一
皇極經世一
皇極經世一

後小松天皇

諱幹仁。後伏見。玄孫。此朝後。長子。母通。陽門院。藤原

氏。內大臣。公忠之女。在位。一十九年。改。元。德嘉。慶康。應明。德。應永。禪位。

皇太子。後。壽。九。十。七。葬。泉。涌。寺。

冬。閏十月五日。天皇受神器於後龜山天皇嗣

其位。藤原師嗣為關白如故。十一月。宴於禁

中。留十餘日。還御大覺寺。尋上尊號太上天皇。

十二月。征夷大將軍義滿為左大臣。是歲。

相摸守細川賴之卒。義滿問其所欲言。曰。臣每

憂山名氏強大為後患。今已誅鋤。臣可以瞑矣。

日本書紀卷之十四 皇極經世一 後小松天皇

復何言哉。義滿惋惜。親臨送葬。時論避之。

明德四年。癸酉夏四月。後圓融上皇崩。

應永元年。戊甲冬十一月。關白師嗣罷。以左大臣

藤原經嗣為關白。十二月。征夷大將軍義滿

奏請讓職於子義持。以義滿為太政大臣。義滿

請太政大臣。朝議謂平相國以還。武家無昇此

官者。義滿怒曰。天子我家所立。而不我聽。則廢

而自立。以細川島山為攝家清華。誰能禁我朝

廷。懼許之。

二年。乙亥夏六月。義滿辭太政大臣。削髮曰道義。

四年。丁丑義滿營別業。北山起金閣。徙居焉。稱北

山殿。又造_一殿禁內。每朝就取安。稱小御所。每

造朝。公卿皆下階拜跪。嘗遊叡山。擬上皇行幸

儀。

五年。戊寅春正月。崇光上皇崩。三月。關白經嗣

罷。以前關白師嗣為關白。冬十一月。鎌倉管

領足利氏滿卒。子滿兼嗣。為管領。

六年。己卯夏。師嗣罷。以經嗣為關白。冬十月。大

日本後紀 卷之十四 賴比藏

丙義弘作亂。舉用防長門兵。東據界城。上岐。詮
直山名時清等應之。前大將軍義滿出軍男山。
遣畠山基國。細川賴元。斯波義將等將兵三萬
討之。十二月。諸將攻拔城。斬義弘。詮直時清等
皆平。初。今川貞世鎮筑紫。威惠並行。義弘說之
曰。方今自強者興。守節者替。公宜與我及大友
氏連結。以自強。貞世不聽。義弘慙恨。及譖貞世
有叛心。義滿頗惑之。召還貞世。之其國遠江。義
弘代任。兵力日強。是時鎌倉管領滿兼嗣立。凡

事准擬京師。自稱將軍。第曰御所。執事稱管領。
義滿遣使詰之。不服。遂有異圖。義弘潛通使合
謀。欲東西來攻京師。滿兼又陰招貞世。貞世封
其書上。義滿及義弘東上。滿兼亦出軍武藏府。
聲言援京師。義滿譟知之。欲討之。上杉朝宗百
方講和。乃授以足利莊。凡與謀者。釋不問。事乃
寢。此役或勸義弘及四方兵未聚。急攻京師。義
弘曰。山名氏清唯長驅。自疲其兵耳。乃大修城。
塹。然終敗。及亂。義滿召貞世曰。吾甚愧見卿也。

又欲用以鎮筑紫辭焉。或譖其通鎌倉。貞世懼還遠江。事得白。又召至京師。待之如初。貞世父範國爲駿河遠江守護。長子範氏早死。貞世爲嗣。及父卒。不肯立。立兄子氏家。傳兄孫泰範。細川賴之。以是知其賢。薦爲彈代。義滿使泰範割駿河與貞世。泰範意貞世所請。故與義弘俱譖之。至是以貞世養子爲遠江守護。

賴襄曰。吾旣論足利義滿善用威。非如其父祖之有恩無威也。雖然。猶惜其善於用威而不善於恩耳。義滿之用威。其最大者。曰。誅氏清之叛也。曰。夷義弘之亂也。可謂武矣。而何如不使其叛且亂乎。使其叛且亂者。義滿所致乎。曰。然。夫山名氏數叛於尊氏。義詮之世。每叛有所侵略。旣服。因而有之。是以至有海內六分之一。義滿不行削讓。而又加河內紀伊。是氏清所以能叛也。幸而其子爲分領其國。其勢不合。義滿因得施誅鋤之計。否則難制也。其於大內氏亦然。大內弘世乘亂擅

有周防長門之地。賂於義詮左右。得授二州
守護。又加以石州。既已強大矣。至於義弘。又
諧今川貞世。得代其任。經略鎮西。故又加筑
前。及賞誅氏清戰功。又如和泉紀伊。是義弘
所以能作亂也。夫義弘雖雄跨西道。不得紀
泉。何以能作亂畿甸哉。雖然。作亂畿甸。在義
弘爲失計矣。義弘嘗欲與大友今川氏連
結。以謀跋扈。今川氏不肯而止。使果如其計。
則義滿夷之。必費歲月。不能如拔界城之速。

也。果舉兵畿甸乎。亦舉之於義滿薨後。則義
持之不武。何以制之。是亦義弘之失計也。義
弘之失計。義滿之幸也。然則義滿之能誅夷
二氏。雖由其武。抑亦有幸焉。誅夷之不可必
也。而其叛且亂。可必。養之使能叛亂也。故曰。
雖善於用威。而不善於用恩。義滿罵義弘曰。
暨子。恃其強大。不知迺公使然。則義滿亦自
知之矣。而爲之何哉。豈未免襲父祖之遺習
耶。或曰。如授泉紀於二人者。圖南朝也。猶近

時織田信長之使諸將各取敵地以自封也。襄曰。譬之使鷹。信長縱其饑者爾。義滿則縱既飽者。彼寧肯爲我趨搏哉。將又搏我耳。

八年。辛酉。義滿遣使通好於明。參議菅原秀長作書。書辭甚恭。

九年。壬申。明主允炊使來。封義滿爲日本國王。義滿受之。

十三年。丙申。明主棣使來。義滿厚贈謝之。

十五年。戊戌。夏四月。關白經嗣罷。以左大臣藤原

忠嗣爲關白。五月。前征夷大將軍大相國義

滿薨。年五十一。敕贈太上皇號。義持辭不受。

十六年。己丑。鎌倉管領滿兼卒。子持八嗣。爲管領。

日本後紀 卷之十四 賴山陽

十九年。任秋八月。天皇禪位於皇子實仁親上。諸南朝遺臣請立後龜山帝後如約。不聽。於是南朝餘孽所在起兵。尋皆平。

稱光天皇。諱實仁。初名躬仁。後小松長子。母光範門院藤原氏贈左大臣。

山野資國女。在位十六年。改元。曰正長。崩。壽二十七。葬泉涌寺。

八月。天皇受禪。時年十二。尊先帝曰太上天皇。聽政院中藤原教經為關白。

二十一年。甲冬十二月。天皇即位於太政官廳。

二十三年。丙申鎌倉管領持氏罷其執事。上杉氏

憲以「上杉憲基代之。氏憲憲房之後。世居山内。

憲基。憲房兄。憲顯之後。世居扇谷。更為執事。稱

兩上杉。持氏與氏憲有隙。奪其權。冬十一月。氏

憲奉持氏弟持仲作亂。攻持氏。持氏奔駿河。依

今川氏。

二十四年。丁春正月。義持令關東諸將援持氏。

攻復鎌倉。誅持仲氏憲。

二十五年。戊春正月。大將軍義持殺其弟大納

言義嗣。初義滿愛義嗣。請超遷其官爵。居北山

日本政記 卷之二十四 稱光 天皇 義持 義滿

第勢威出義持右及鎌倉事起與氏憲通謀將
襲幕府事覺遣兵圍之削髮出囚至是獲殺之
賴襄曰足利氏之所以能得天下者由其多
割土壤與諸將不恠而所以不能治天下者
亦出於此尊氏義詮創業於南朝未衰之時
勢不能不然至於義滿天下戴足利氏之久
而南國日蹙又能賊內亂威令大振不乘此
時以裁制之而仍襲父祖之遺習動輒舉數
州加授將帥賞而授之猶可也又有貶而授

之者豈姑息以希無事乎抑欲驕而斃之手
可謂無術者矣而何以治天下異時嘉吉應
仁之禍已胚胎於此不可不察也大治天下
譬若縛薪薪大而少不若小而多之易縛束
也故縛薪者逢其大而難縛者折而小之治
天下者逢諸侯之大者亦折而小之然後可
使聽我約束足利氏不知此術宜乎其不能
治天下也其於將帥既然於宗族亦然尊氏
之封少子以入州強其力以制敵國而鎮

壓諸將亦不得不然之勢也。而其後恃其強大。每有圖宗家之意。將帥懷異者。亦翼戴之爲名。足以煽衆心。義滿不能究。纔賴其宰臣調停之。輒有所加恩。既加足利莊。又如陸奧出羽。或出彼之請。不能拒邪。不然。九州已爲天下勁兵處。而加以與羽。其人極矣。不唯不能殺之。乃豐之。如此。將何以制之。夫宗族之封。父祖之所授。不得無故殺之。固也。然人內之亂。關東黨援之。已有明證。加之讓削。我豈

無辭然而叛焉。彼曲我直。異日義教之舉。固義滿所優爲也。既克。改立其胤。誰曰不可。卽不能然乎。所謂析而小之。不爲無術也。諭旨推恩。封其庶孽。以分其勢。是賈生主父之所。以策漢也。夫人情莫不愛其子。而子非一人。全傳一子。不若分傳數子之樂也。因彼之所樂。以施我術。何難爲之有。而義滿不爲也。不特不爲之於其宗族。亦不爲之於其家何者。義滿愛少子義嗣。崇高其位望。而不爲之所

是以出義持之猜嫌夫封建海內宗族臣隸
之邑各跨數州而已之子弟無尺土之安可
不謂偵也義滿何不以其所加予鎌倉者以
予義嗣乎則可以制鎌倉而絕宗府之嫌矣
是一舉而兩得者也誰憚而不爲之或以明
德應承兩役之所沒收不以盡予諸將而以
封子弟使犬牙相制亦不必忤物情不知出
於此必使義嗣歿於義持之手義持亦懲於
此盡備其諸子是以有遷俗之將軍關東不

服至稱兵相圖幸而得克失其藩維足利氏
益孤立而其臣隸益無忌憚各憑強大以相
噬攫而不可制以至失其天下豈非不知術
之過哉賴襄曰不獨足利氏也豐臣氏之所
以得天下而旋失之如此

其時天正而為天之威也
 其威甚於天口不勝其威也
 其威甚於天口不勝其威也
 其威甚於天口不勝其威也
 其威甚於天口不勝其威也
 其威甚於天口不勝其威也
 其威甚於天口不勝其威也
 其威甚於天口不勝其威也
 其威甚於天口不勝其威也
 其威甚於天口不勝其威也

二十七年。庚秋。義持有疾。或告咒詛事。醫卜徒

獲罪處流。朝臣亦有坐廢黜者。

三十年。癸卯春二月。義持辭征夷大將軍。詔以其

子義量襲職。義持薙髮稱道詮。

三十一年。甲辰夏四月。前太上天皇崩。後山

三十二年。乙巳春二月。征夷大將軍義量薨。前大

將軍義持再視事。

三十四年。丁未冬十月。赤松滿祐據其邑稱兵。前

大將軍義持遣諸將討之。不發。十二月。赤松持

日大將軍

貞自殺。赦滿祐入京師。持貞滿祐族也。有寵於義持。爭邑相訴。義持庇持貞。滿祐怒。自焚其第。奔歸播磨。遣諸將討之。諸將素疾持貞。連署訴之。請赦滿祐。義持不得已許之。持貞自殺。召還滿祐。

正長元年_中戊春正月。前征夷大將軍義持薨。初義持懲義嗣。悉使諸弟為僧。及義量早世無子。眾議立鎌倉管領持氏。持氏聞喜之。管領畠山滿家探籌石清水祠。得義圓。義圓時為青蓮院

僧。正義持同母弟也。即迎入室。改名義宣。後改義教。即日叙爵。秋七月。天皇崩。上皇議立崇光帝。曾孫彥仁親王。初崇光南遷。後光嚴以弟立。傳至帝。崇光子孫退居伏見。至是得出受統。後龜山皇子奠立。不得。怒奔伊勢。明年。北畠氏越智氏奉之起兵。足利氏擊平之。以皇子歸置之嵯峨。

後花園天皇

諱彥仁。後伏見五世孫。比朝崇光曾孫。父曰貞成親王。母

敷政門院源氏。贈左大臣經有女。在位三十六年。改元八。曰永享。嘉吉。大安。寶

日本正言
將山原

德。亨德。成。正。長。祿。寬。一。禪。位。皇。太。子。後。六。年。崩。壽。五。十。一。葬。泉。涌。寺。

七月。天皇踐祚。甫十歲。關白藤原持基攝政。太

上天皇。後小松聽政院中。

永享元年。配春三月。以足利義教為征夷大將

軍。以正長號於將家為凶。奏改元。鎌倉猶用正

長號。

年。庚。徒筑紫豪族於京師。

年。辛。春三月。太上天皇落飾。稱法皇。是歲

大將軍義教遊伊勢。紀伊。制置南朝遺族。

四年。壬。秋。義教遊駿河。託觀富士山。實伺察鎌

倉也。

五年。癸。冬十月。法皇崩。葬後小松天皇。是

歲。義教遣使於明。明使與我使偕來。

七年。乙。秋八月。叡山僧徒有訴。入京師。幕府遣

兵防却之。

十年。戊。秋九月。鎌倉管領持氏逐其執事上杉

憲實于上野。冬十月。大將軍義教下教關東。

發兵助憲實擊持氏。十一月。執持氏。囚于永

日本正言
卷之十四
義教

安寺

十一年。春二月。攻殺持氏。令上杉氏管領關東。初持氏異將軍。不得。居常憤憤。曰。吾何屈還俗將軍哉。憲實驟諫弗聽。上杉憲直。色直。果因諍憲實。持氏令二人徵兵。兵多屬意憲實。不爲持氏用。持氏不得已。自造山内。面諭憲實。歸罪憲直。憲直逃藤澤。事乃釋。持氏冠其子賢王。故事。鎌倉管領。元服。必受將軍偏諱。持氏不質之。名曰義久。諸將皆賀。憲實不賀。出奔上野。

訖之京師。義教以故上杉氏憲直子持房。教朝爲大將。分道東伐。與憲實合。關東將士多應憲實者。持氏立其子義久。使二浦時高輔之。守鎌倉。自軍武藏。當教朝。憲實遣上杉憲直。自防持房。持房大破憲直于早川。死。進逼鎌倉。二浦時高叛通京軍。執義久。諸軍合圍持氏。持氏兵散。亡。窮蹙欲自殺。憲實遣使止之。諭諸將解圍。持氏削髮徙永安寺。憲實歸罪憲直。直兼誅之。馳使京師。請宥持氏。久弗聽。至是使諸將逼持氏自

日本政記 卷之十四
殺命憲實爲管領。憲實固辭。使弟清方嗣家居
山内。自削髮。退居伊豆國清寺。

賴襄曰。足利氏開軍府于京師。而置宗藩于
鎌倉。鎌倉之有上杉氏。猶京府之有細川氏
也。皆有輔佐之功。而亦有逼犯之禍。細川猶
有畠山斯波之僚。足以相制。至於上杉。獨任
世襲。如二君焉。焉得無禍哉。然賴其分爲兩
家。更任執事。是以爲之上者。得以暫安耳。而
京府則利其危也。如尊氏自封其子。無論已。

自義詮義滿族屬漸疏。每與鎌倉相圖。故誘
上杉氏以制之。而上杉氏亦援京府以爲重。
君臣之際。常有嫌隙。爲將軍者。以爲是彼之
不利而我之利也。獨上杉氏憲之叛持氏也。
將軍義持不援氏憲。右持氏何也。氏憲之黨
有義嗣。義嗣者。義持之弟。其所深忌也。故右
持氏除氏憲。其心私也。而其跡則公矣。足以
服關東將士之心。及義教之繼爲將軍。持氏
亦與執事憲實有隙。則右憲實以斃持氏。蓋

義持無嗣。持氏翼立。而義教脫僧服登壇。故其心不服。憲實以爲口實。訴之義教。中其所忌。以得其援。義教之意。必曰。吾乘此時。斃而滅之。父祖之所欲爲。而未能也。而吾能之。其實非義教能斃持氏也。持氏自斃於強臣之計也。而義教右臣滅君。何以服將士之心哉。是以如結城氏朝者。奉持氏之孤起兵。亦命憲實平之。非憲實肯循義教令也。自除其患也。其後將士再求遺孤爲主。而上杉氏受戴。

將軍之子。將士仍不之將軍之子。而之管領之子者。可以見人心也。故治天下者。常從人心所嚮。以成其事。事成而天下仰吾權。不從人心所嚮者。雖克於一時。而未久而壞壞。則我權廢矣。觀義持義教之所爲。不其然乎。爲義教計者。縱使不右持氏。攻而囚之。變立其子。或析其封。以傳數子。誚憲實之不臣。代以衆望所屬。則一處置。而關東之心。盡悅服。自是以往。廢置鎌倉君相。其權盡歸於京府。惜

日本政記 卷之十四 三十一 賴氏藏版

乎義教之不足以語此也。義教已夷鎌倉自
以為無復足患者矣。愈益矜驕。以致將帥之
不服。嘉吉之禍。應仁之亂。相因而作。子孫終
為細川氏之所弱。雖擁空名於上。而與鎌倉
奚異哉。

八... 嘉吉元年... 結城氏朝奉故管領持氏遺

十二年。庚春正月。結城氏朝奉故管領持氏遺
孤春王安王起兵討上杉氏。秋七月。上杉憲實
以大將軍義教令率諸軍攻之。

嘉吉元年。辛酉夏四月。結城城陷。獲春王安王。氏
朝舉族死之。五月。大將軍義教殺其弟義照。
義照為大覺寺僧正。與後龜山皇子親善。開關

東兵亂。勸皇子乘是時以遂夙志。密遣人約菊
池氏起兵。竊自蓄髮事覺。逃匿。竟被捕殺。六
月。赤松滿祐弑大將軍義教。奔據其邑。秋八月。

日本政記 卷之十四 三十一 賴氏藏版

日本書紀 卷之十四 三十一 賴氏廢歷
詔以義教子義勝襲職遣諸將討滿祐山名持
豐與族教之教清先進九月攻滿祐白旗城誅
滿祐持豐等盡領赤松氏地初滿祐族曰貞村
自叔父持貞與滿祐相隙義教罷貞村每事抑
折滿祐遂欲割滿祐所領與貞村滿祐積怨因
饗義教其第弑之奔播磨管領細川持之與畠
山持國議立義勝生八歲細川持常受征討命
以與滿祐有姻逗留不進滿祐逆擊蟹坂大破
之已而持豐破美作而入遂滅赤松氏持豐時

熙孫也滿祐兄子教祐逃依少貳嘉賴幕府令
大內教世討嘉賴破而走之盡并其地山名氏
大內氏復興

叛逆罪也逆至於弑大罪也故行弑逆者不
論而可論遭弑逆者之所以速之足利義
教之所以遭弑者安在在其特將帥無恩意
耶驕而不加禮矣信讒殺之矣使人人自危
雖無赤松滿祐而恐不免焉賴襄曰是所謂
知其一未知其二也二者何也曰威權不立

也。義教之速此禍也。非由恃其威權太盛乎。如近時織田信長之遭弑焉爾。曰信長則然。義教則不然也。義教自以爲威權已立爲可恃也。不知足利氏之威權不立非一世也。而恃之而不加恩意於其臣。所以速此禍也。夫恩意與威權不可闕。而義教則兩無之。何以保其臣之不叛逆哉。夫人臣所以戴其君。以其有威可畏。有恩可愛。愛而畏之。是以無凌犯之禍。不然行道之人耳。何所不至。雖然。

唯可畏也。而後可愛。可愛而不可畏。則其可愛者終不久矣。今夫妻之於夫。亦猶臣之於君也。以義合者也。愛而不合。以全其夫。其人知之。不知非有所畏。則不可以全也。不畏則怙。怙則輕之。輕之之至。心嚮於外。而疾視其夫。甚則陰斃之。以從其所私者。皆非初不愛其夫者。也不畏之者也。足利氏之將帥皆如嬌婦。不畏其夫也。數叛而不禁。猶婦之數背其夫。旋歸其家。是以輕之益甚。加以怨隙。

側目咆哮。不足恠也。如滿祐者。其尤者已。初
義滿之世。威令稍振。諸將莫不敬戴。上者而
義持庸懦。幸時無事。優游宴晏。寵亦松持貞。
滿祐與之訴。而不得直。怒焚其第。據邑而叛。
上教討之。而諸將不肯往。連署乞赦滿祐。不
得已而聽之。足利氏之威權。於是乎不足畏
也。則滿祐之日。無將軍久矣。而義教則以爲
畏已。遇之無狀。至殺其女而不恤。復致其怨
殺。幸而克降之。復赦而近之。滿祐憤怨填胸。

而義教不以爲意。曰。人權在我。彼無奈何。何
也。於是亦庇持貞之從子。欲諭滿祐割子之
邑。爲滿祐者。何肯坐受其命哉。嚮教爲我
能誅也。今秋焉。誰能禁我。是其所以取制。又
於其君之腹也。諸將雖赴討。亦怛前役。還撓
不進。但山名持豐。欲復興其家。故力攻耳。其
餘意皆在於縱賊。寧肯感奮進擊。必於復君
仇乎。故足利氏之臣。唯無畏其君之意。是以
又無愛君之心。故曰。威權不立也。然則威權

之所以立不立者何哉。曰。所行公則之所行私則不立。如義持義教。行小私也。如尊氏行大私也。足利氏之人私。成於赤松氏。故禍先發於赤松氏。天也。足利氏或縱其臣之叛逆。而天則必不赦足利氏之叛逆。

二年。戊冬十一月。義勝加元服。任征夷大將軍。

畠山持國爲管領。

三年。癸秋七月。義勝墜馬薨。管領持國議立義勝母弟義成。生八歲。後改名義政。九月。南朝遺臣藤原有光資親楠次郎等。奉後龜山帝皇子爲主。稱中興宮。夜入禁內。奪神器。遣兵追擊。獲神鏡寶劍。

文安元年。甲秋八月。有光資親助南朝皇子。擁神輿。據叡山。大和紀伊河內兵並起。應之。管領

白山持國說山徒爲丙應。皇子自殺。有光資親次郎等歿之。諸國應者皆平。

二年。冬十一月。關白持基薨。以左大臣藤原房嗣爲關白。細川勝元爲管領。是歲關東

將士請之。故管領持氏季子成氏爲鎌倉管領。上杉憲忠執事。憲忠憲實子。

四年。丁卯夏六月。房嗣罷。以大政大臣藤原兼良爲關白。冬十一月。白山氏兵攻敗紀伊兵。殺

南朝皇孫。傳首京師。皇孫後村上皇子泰成之

子。先是楠次郎弟某奉之起兵。保紀伊湯淺城。至是遇害。某歿之。

寶德元年。壬午夏四月。義政加元服。任征夷大將軍。是歲。白山持國再爲管領。

享德元年。壬申冬十月。細川勝元再爲管領。二年。癸酉夏四月。兼良罷。右大臣藤原持通爲關

白。三年。甲戌春。令士民不辨負債。稱平均德政。秋

七月。持通罷。左大臣藤原房平爲關白。八月。



日本書紀卷之十四 三十七 新田 鼎片
盜焚畠山持國第。初持國老。削髮曰德本。擁立
二將軍。爵至三位。得乘網代輿。負功專橫。其家
臣多爲不法。公卿將士皆諂事之。獨山名持豐
勢不相下。細川勝元娶持豐女。相比與德本抗。
德本無子。養弟持富子政長爲嗣。已而生義就。
義就母日短政長。其母乃與醫卜謀。佯爲狂病。
卜者曰。必有近親咒詛者。德本意政長所爲是
歲夏四月。德本立義就爲嗣。欲殺政長。政長逃
依勝元。勝元持豐援政長。畠山氏家臣皆往從。

之。已而德本第火。德本逃入族滿則家。義就奔
河內。依家宰游佐某。德本使人謝勝元。復之政
長。自屏居建仁寺。勝元乃以政長入謁幕府。幕
議知火畠山氏第者。勝元持豐所爲。勝元歸罪
家臣磯屋某。斬之以說。持豐又因勝元謝。退居
但馬。事乃釋。冬十二月。鎌倉管領成氏殺其
執事上杉憲忠。奔古河。成氏已長。怨上杉氏殺
其父。與故結城氏朝子成朝謀。殺憲忠。家宰長
尾景春等。以憲忠弟房顯。兵攻成氏。成氏奔房

顯人鎌倉自稱管領。

康正元年。乙亥夏五月。以赤松則尚爲播磨守護。山名持豐攻則尚殺之。先是畠山德本以赤松氏不可絕祀。赤松滿則子則重不與嘉吉之逆。因立則重。邑於播磨。持豐怒曰。吾以功受封。豈容賊徒遺種。發兵殺則重。則尚教祐弟也。細川成之請而立之。赴播磨。乘持豐之蒙譴退居也。亦爲持豐所擊殺。六月。房平罷。持通再任關白。

長祿二年。戊寅秋八月。先是中興宮之遇害也。南人復之其子。擁神璽居吉野山中。赤松氏遺臣石見某等往佯事。刺殺之。奪璽還獻。請立赤松氏後。以赤松政則爲加賀守護使。石見率舊臣奉之。持豐又使盜刺殺石見。持豐削髮曰宗全。爲人面色赤。人呼曰赤入道。冬十二月。藤原教房爲關白。

寬正二年。辛巳冬十月。大將軍義政遣其弟政知居伊豆。先是兩上杉氏與足利成氏連年講兵。

關東大亂。因請得主奉政。知於堀越。稱堀越御所。然關東將士多歸心成氏。

四年。癸未先是。畠山義就奔河內。畠山政長攻之。

不克。義政兩和解之。共入京師。已而義就忤旨。

復奔河內。細川勝元遣兵援政長。攻陷若江金

胎寺二城。圍義就於岳山。義就善守。累年不下。

是歲。岳山陷。義就逃入高野。持通復任關白。

五年。甲申秋七月。天皇禪位於皇子成仁親王。

是歲。大將軍義政奏以其弟義視為嗣。任左馬

頭。叙從五位下。居今出川第。細川勝元管領初

義政娶藤原重政女。曰富子。無子。弟義尋為僧。

充淨土寺門主。義政欲養為嗣。義尋恐其有渝。

辭。義政曰。吾後有子。襁褓為僧。誓不渝也。義尋

乃蓄髮。改名義視。

日本政記卷之十四

